

Faahororaa no te Faaineineraa no te putuputuraa Oraraa e taviniraa

3-9 NO ME

Te mau poe pae varua

it-2-F 850 par. 1

Te mau tusia

Te mau tusia uaina i pūpūhia. Ua pūpū-atoahia te mau tusia uaina e te rahiraa o te tahi atu mau tusia, i muri a'e iho â râ i noho ai te ati Israela i te Fenua tăpūhia. (Nu 15:2, 5, 8-10) E mau tusia uaina tera tei niniihia i nia i te fata. (Nu 28:7, 14; a hi'o i te Ex 30:9; Nu 15:10.) Ua papai te aposetolo Paulo i to Philipi: "Noa 'tu e e niniihia vau mai te hoëtusia uaina i pūpūhia na roto i te taviniraa mo'a ta outou atoa i rave no to outou faaroo, e oaoa ia vau." Ua faaohipa Paulo i te hi'oraa o te hoëtusia uaina no te faaite i to 'na hinaaro e haa no to 'na mau hoa Kerisettiano. (Php 2:17) I muri noa mai i to 'na pohe, ua papai Paulo ia Timoteo ma te parau: "Mai te tusia uaina hoi au e niniihia nei i nia i te fata, e ua fatata roa te taime e pohe ai au." —Ti2 4:6.

A RAVE MAITE I TA OE TAVINIRAA

Oreroraa parau

w07-F 1/4 17-18

Eaha te mau ô e te mau tusia ta lehova e farii?

No te mau *Aztèque*, no roto mai te ora i te pohe. Ua haapohe ratou e rave rahi taata ei tusia. No ratou, rahi noa 'tu te toto e maniihia, rahi noa 'tu ratou i te mauruuru. Ia au i te tahi atu buka, e naea roa 20 000 taata ta te mau *Aztèque* e pūpū i te matahit hoë.

I te roaraa o te tau, mea rahi te taata tei pūpū i te tusia na te mau atua no to ratou măta'u aore ra mana'o faahapa ia ratou iho. Te faa-

ite mai ra râ te Bibilia e na te Atua Mana hope ra o lehova i faaue ia pūpūhia te tahi mau tussia. E ui ana'e ia: 'Eaha te huru tussia ta te Atua e mauruuru? E pūpū noa anei tatou i te ô e te tusia i teie mahana?'

Te mau ô e te mau tusia i roto i te haamoriraa mau

I te haamauraahia te nunaa o Israela, mea papu te mau faaueraa ta lehova i horoa ia ratou no nia i te haamoriraa ta 'na e mauruuru. Ua titauhia ia pūpū ratou i te tahi mau ô e tusia. (Num. 28; 29) Te tahi o tera mau tusia, e maa tupu ia aore ra e tusia animara, e puaatoro, e puaaniho, e uuairao aore ra e uupa. (Lev. 1:3, 5, 10, 14; 23:10-18; Num. 15:1-7; 28:7) Ua titauhia ia pau te tusia taauahi taatoa i te auahi. (Exo. 29:38-42) Te vai atoa ra te tusia no te maitai, tei amuhia e te taata tei pūpū i te reira.—Lev. 19:5-8.

Te mau ô e te mau tusia atoa i pūpūhia i te Atua i raro a'e i te ture a Mose, no te haamori ia ia 'na e no te turu i to 'na tiaraa arii hau ê. Na roto i tera mau tusia, e haamauruuru te mau Israela ia lehova no te mau maitai e te paruru ta ratou e fana'o, oia atoa no te faaoreraa te Atua i ta ratou mau hara. Ia auraro ratou i te mau faaueraa a lehova, i reira ratou e haamaitaihia 'i.—Mas. 3:9, 10.

Te mea faufaa roa ''e no lehova, o te huru feruriraa ia o te taata e pūpū ra i teie mau tusia. Na roto i te peropetha Hosea, ua na ô oia: "Hinaaro hoi au i te aroha eiaha te tussia; e te ite i te Atua eiaha te mau tusia taauahi." (Hos. 6:6) Ia fariu ê te mau Israela i te haamoriraa mau, ia rave ratou i te mea ino a haamanii atu ai i te toto hara ore, eita lehova e farii i ta ratou tusia. No reira lehova i parau ai i te mau Israela na roto ia Isaia:

“Eaha ta ’u faufaa i ta outou mau tusia e rave rahi? ua fiu vau i te tusia taauahi mamoe oni, e te toâhua o te mau puaa faaamuhia ra; e te toto puaatoro, e to te mau arenio, e to te mau puaaniho ra, aore ia o ’u auraa ’tu.”—Isa. 1:11.

Te hoê mea “o tei ore i faauehia e au”

I pûpû na to Kanaana i ta ratou mau tamarii ei tusia na to ratou mau atua mai ia Moloha, hoê atua ati Amona pii-atoa-hia Milehoma. (Arii 1, 11:5, 7, 33; Ohi. 7:43) la au i te hoê buka, tera te huru haamoriraa a to Kanaana. I rave na ratou i te peu tia ore i mua i to ratou atua, e peu haapaoraa hoi teie e i haapohe na ratou i ta ratou mau tamarii matahiapo ei tusia na taua mau atua ra.

Aita roa ’tu te Atua i au i tera mau peu. A fatafa ’i te mau Israela i te tomo i te fenua o Kanaana, teie te faaueraa ta lehova i horoa: “E parau â oe i te tamarii a Israela, O te taata e hopoi i ta ’na i fanau ra no Moloha, to te tamarii a Israela, e to te feia taata ēē i purutia i roto ia ratou ra, e pohe roa ia oia; na te taata o te fenua na e tui i te ofai: e tano maite tau mata i te reira taata, e tâpû ê atu vau ia ’na i to ’na ra nunaa; no te mea, ua haavivii oia i tau vahi mo’ā, e ua faanoa i tau i’oa mo’ā nei, oia i hopoi i ta ’na i fanau ra no Moloha.”—Lev. 20:2, 3.

Te mea peapea râ, ua faarue vetahi mau Israela i te haamoriraa mau e ua pûpû i ta ratou mau tamarii i te mau atua hape, e peu demoni hoi. Te na ô ra te Salamo 106:35-38: “Ua amui râ ratou i roto i taua mau etene ra, e ua haapii i ta ratou mau parau iino ra. Ua haamori hoi ratou i to ratou mau idolo, e riro atura ei marei no ratou. Ua faatusia ratou i ta ratou mau tamarii tamaroa e te mau tamahine na te demoni, manii atura te toto hara ore ia ratou; te toto o ta ratou mau tamarii tamaroa e te mau tamahine, i faatusiahia na

te mau idolo i Kanaana! viivii a’era taua fenua ra i te toto.”

10-16 NO ME

TAO’A RAU BIBILIA | NUMERA 30-31

“A haapao i ta oe i euhe”

it-2-F 1164

Te euhe

E ere mea faahepochia, e titauhia râ ia haapaohipia. E ere mea faahepochia te euhe. Ia euhe râ te hoê taata, e titau te ture a te atua ia ’na ia haapao i ta ’na i euhe. Ia ore te taata tei euhe ia haapao i ta ’na i euhe, e tano ia pohe oia, e parauhia hoi te euhe e “tâpû haamau ia ’na iho.” (Nu 30:2; a hi’o atoa Ro 1:31, 32.) Te taa ra ia tatou na roto i te mau Papai e mea faufaa ia feruri maitai i te mau titauraa ta tatou e haapao ia euhe tatou. Te parau ra te ture a Mose: “Ia euhe oe i te euhe i to Atua ra ia lehova, . . . e riro hoi to Atua ra o lehova i te titau mai i te reira ia oe; e riro hoi ei hara na oe ra. Ia ore râ oe ia euhe ra, e ore te reira e riro ei hara na oe.”—De 23:21, 22.

it-2-F 1164

Te euhe

E parau tâpû i te Atua no te rave i te tahihipa, no te pûpû i te ô aore ra no te haapae i te hoê mea e ere mea ino. Te euhe, e faaiteraa faahepochia-ore-hia o te hinaaro o te hoê taata. Inaha, e parau tâpû te euhe, e ere ia i te ohipa hauti. I te tahihipa, e itehia na parau e pitii i roto i te hoê â irava Bibilia. (Nu 30:2; Mt 5:33) Te “euhe,” e faaiteraa ia i te mea ta te hoê taata e hinaaro ra e rave, area te parau “tâpû,” o te titauraa ia hoê e tiaraa mana to ’na, no te haapapuraa i te hoê faaauraia aore ra parau faaau. Pinepine e apitihia te parau tâpû i te hoê faufaa.—Ge 26:28; 31:44, 53.

Te mau poe pae varua

it-2-F 1203 par. 4
Iepheta

I pūpūhia na te taata no te tavini ia lehova i te nao. Na te mau metua i na reira i ta ratou mau tamarii. Ua pūpū Hana i ta 'na tamaiti o Samuela no te tavini i te sekene na roto i te hoē euhe, hou oia a fanauhia 'i. Ua farii Elikana ta 'na tane faaipoipo i taua euhe ra. I te mairiraa te û a Samuela, pūpū atura Hana ia 'na i te nao, e ua pūpū atoa 'tura i te hoē tusia. (Sa 1:11, 22-28; 2:11) Ua pūpū-atoahia Samasona no te tavini i te Atua ei Nazira.—Tav 13:2-5, 11-14; a hi'o atoa eaha te tia-raa o te metua tane i nia i ta 'na tamahine i roto i te Nu 30:3-5, 16.

17-23 NO ME

TAO'A RAU BIBILIA | NUMERA 32-33

"A tiahi i te mau taata atoa o taua fe-nua ra"

w08-F 15/2 27 par. 5-6

Eaha te haapii mai i te mau hape a te mau Israela?

Te faaruru ra tatou i te mau fifi ta te mau Israela i faaruru atoa na. Te mau idolo i teie mahana, o te moni ia, te feia tuiroo, te feia tuaro, te mau faanahoraa poritita, te tahi mau tia haapaoraa, oia atoa te tahi mau mero utuafare. E nehenehe tatou e haamau i to tatou feruriraa i nia i te reira. E ino roa to tatou auhoaraa ia lehova ia faahoa 'tu tatou i te feia e ore e here ia 'na.

No roto mai i te haamoriraa a Baala te mau peu taotoraa tia ore o tei faahahi ē e rave rahi feia ati Israela. Mea rahi te tavini a lehova tei topa i roto i tera marei. Hoē noa pataraa i nia i te roro uira e viiviihia 'tu ai te feruriraa! Mea mauiui ia ite e ua topa te hoē

Kerisetiano i roto i te marei o te mau hoho'a faufau i nia i te natirara.

it-1-F 392 par. 4
Kanaana

Ma te paari, ua rave losua i te mau mea atoa "ta lehova i parau ia Mose" no nia i te haamouraa o te ati Kanaana. (Ios 11:15) Aita rā te nunaa o Israela i pee i to 'na hi'oraa e aita i faaore i te mau mea e haavivii ra i te fenua. Ua pee te mau Israela i te haerea o te ati Kanaana e mea papu ahani ratou i faaroo i te faaueraa a lehova e haamou i to Kanaana taatoa, eita ia e rahi roa tei pohepohe. (Aita ia i taiohia 'tura te ohipa ino, te mau peu tia ore e te haamoriraa idolo). (Nu 33: 55, 56; Tav 2:1-3, 11-23; Si 106:34-43) Ua faaara lehova i te mau Israela e faautua iho â o 'na ia ratou ia ore ratou e faaroo ia 'na. Ia amuimui e ia faaipoipo te mau Israela i to Kanaana e ia rave ratou i ta ratou mau peu haapaoraa e ta ratou mau peu faufau, e haamouhia ratou e e piha'e te fenua ia ratou.—Ex 23:32, 33; 34:12-17; Le 18:26-30; De 7:2-5, 25, 26.

Te mau poe pae varua

it-1-F 933 par. 6

Te mau otia

I muri a'e i te tufa-kelero-raahia te vahi e parahi ai te opu tataitahi, ua titauhia ia haamauhia te otia ia au i te rahi o te opu. "E tufa kelero hoi outou i taua fenua ra no to outou ra mau fetii ei parahiraa; e e pūpū rahi ra, ei tufaa rahi ta outou e horoa 'tu, e e pūpū iti ra, ei tufaa iti ta outou e horoa 'tu: ei te vahi i noaa ia 'na te kelero ra, ei reira ta 'na tufaa." (Nu 33:54) Eita te tuhah fenua i tufa-kelero-hia e hauti, o te otia noa te faatano-hia. Mea na reira te tuhah a luda i te faaiti-raahia, no te faarahi i te tuhah a te opu o Simeona.—Ios 19:9.

A RAVE MAITE I TA OE TAVINIRAA

Oreroraa parau

w09-F 1/10 30, tumu parau i raro i te api Ua farii te Atua i te tahī mau tama'i

Hou te tau o lesu, ua maiti te Atua ia Israela ei nunaa no 'na. I te tahī taime, ua farii oia ia haaputuputu te nunaa i te hoē nuu faehau e ia haere e aro. Hou a tomo ai i Kanaana, te fenua ta te Atua i täpū ia Aberahama, ua parauhia i te mau Israela: “[Na nunaa e hitura, e] tuu mai to Atua ra o lehova ia ratou i mua i to aro na, e taparahi oe ia ratou e ia pau roa; eiaha oe e faaau i te parau ia ratou, eiaha hoi e faaherehere atu.” (Deut. 7:1, 2) Ua upootia te raatira Israela ra o losua i nia i te mau nunaa enemi mai “ta te Atua o Israela ta lehova i parau.”—los. 10:40.

E ere roa 'tu rā te auraa e haavī te mau Israela i te mau nunaa ēē. Ua topa taua mau nunaa ra i roto i te haamoriraa idolo, te taparahiraa taata, te mau peu taotoraa tia ore, e ua tae roa i te tutui i ta ratou mau tamarii ei tusia. (Num. 33:52; Ier. 7:31) No to 'na mo'a, ta 'na parau-tia e to 'na here i to 'na nunaa, aita lehova i hinaaro ia vai noa te viivii i taua fenua ra. Ua hi'opoaa rā oia i te aau o te taaa-tataitahi e ua faaherehere i te feia o tei ineine i te faarue i ta ratou mau peu viivii no te tavini ia 'na. Aita â i haere atura i te hoē raatira faehau ia hi'opoaa i te aau o te taata.

7-13 NO TIUNU

TAO'A RAU BIBILIA | DEUTERONOMI 3-4

“Te paari e te parau-tia o te mau ture a lehova”

it-1-F 1199 par. 2

Te maramarama

Te taata o te haapii maite e o te faaohipa i ta 'na i haapii mai i roto i te Parau a te Atua

e ta 'na mau faaueraa, e rahi a'e to 'na haro'aro'a i to to 'na mau orometua e e rahi a'e to 'na maramarama i to te feia ruhiruhia. (Sl 119:99, 100, 130; a hi'o atoa Lu 2:46, 47.) Ua niuhia hoi te paari e te maramarama i nia i te mau faatureraa e faaotiraa haavaraa viivii ore a te Atua. No reira, ia haapao maite Israela i te reira, e parauhia ratou na te tahī atu mau nunaa ati a'e e “nunaa rahi paari e te haapao maitai” ratou. (De 4:5-8; Sl 111:7, 8, 10; a hi'o atoa Ar1 2:3.) Te taa ra i te taaa-tata maramarama te faufaaraa o te Parau a te Atua, te hinaaro ra o 'ha e faatano i to 'na oraraa i te reira e e pure o 'na i te Atua no te tauturu ia 'na. (Sl 119:169) E vaiiho o 'na i te poroi a te Atua ia a'a i roto ia 'na. (Mt 13:19-23) E papai o 'na i te reira i nia i te pāpā o to 'na aau. (Mas 3:3-6; 7:1-4) E mea hae na 'na “te mau e'a iino atoa.” (Sl 119:104) I nia i te fenua, ua faaite te Tamaiti a te Atua i te maramarama mai teie. Aita oia i imi i te ape i te pohe i nia i te pou haamauiuiraa, ua titauhia hoi ia pohe oia mai tei tohuhia i roto i te mau Papai.—Mt 26:51-54.

14-20 NO TIUNU

TAO'A RAU BIBILIA | DEUTERONOMI 5-6

“A haapii i ta oe tamarii ia here ia lehova”

w07-F 15/5 15-16

Eaha te haapiiraa papu ta 'u e horoa i ta 'u tamarii?

Na ta outou e parau e e rave e faaite i ta outou e opua, e mana'o e e haafaufaa ra. (Roma 2:21, 22) Mai te apīraa mai â, e haapii ta outou tamarii ma te hi'o ia outou. E ite ratou eaha te mea faufaa roa 'e no outou e e pee ratou i to outou hi'oraa. E ite ratou mai te peu mea here mau na outou ia lehova. Ei hi'oraa, ia ite ratou mea au na outou e taio

e e haapii i te Bibilia, e taa īā ia ratou e o te Faatereraa arii a te Atua te mea faufaa roa ‘e no outou. (Mat. 6:33) Ma te apiti tamau i te putuputuraa e te pororaa, e ite ta outou tamarii e o te taviniraa ia lehova te mea faufaa roa ‘e no outou.—Mat. 28:19, 20; Heb. 10:24, 25.

21-27 NO TIUNU

TAO'A RAU BIBILIA | DEUTERONOMI 7-8

“Eaha oe e faaipoipo ia ratou”

w12-F 1/7 29 par. 2

No te aha aita te Atua i hinaaro ia faaipoipo to ‘na nunaa i te feia o tei haamori i te atua hape?

Ua ite lehova e tamata Satani i te haaviivii i to ‘na nunaa ma te turai ia ratou ia haamori i te mau atua hape. Ua faaaraa īā te Atua i te mau Israela: “E riro [te feia e haamori ra i te mau atua hape] i te faafariu ê i to mau tamarii ia ore ia pee mai ia ‘u, ia haamori i te mau atua ēē.” la haamori te mau Israela i te tahi atu mau atua, e ere ratou i te farii maitai e te paruru a te Atua. Ua ati īā ratou i te mau enemi! E nafea īā te Mesia fafauhia e fanauhia mai ai? E tumu īā Satani i hinaaro ai ia faaipoipo te mau Israela i te feia o tei ore i haamori ia lehova.

28 NO TIUNU-4 NO TIURAI

TAO'A RAU BIBILIA | DEUTERONOMI 9-10

“Eaha ta lehova hinaaro ia oe?”

w09-F 1/10 10 par. 3-4

Eaha ta lehova e titau ra ia tatou?

Eaha te turai ia tatou ia auraro ia lehova? Ua parau Mose: “la māta‘u oe i to Atua ia lehova.” (irava 12) E ere teie i te māta‘u ia faautua mai te Atua, e huru faatura rahi rā ia

’na e i ta ‘na mau faaueraa. Mai te peu mea faatura roa na tatou i te Atua, eita tatou e rave i te tahī mea e oto ai o ‘na.

Eaha rā te mea matamua e turai ia tatou ia auraro i te Atua? Ua na ô Mose: “la hinaaro oe ia [lehova]; e ia haamori oe i to Atua ra ia lehova ma to aau atoa, e ma to varua atoa.” (irava 12) E ere noa īā te here ia lehova i te hoē huru aau. Te faataa ra te hoē buka, i te tahi taime, ia parauhia te hoē ta'o Hebera no te faaite i te mau huru aau, e ere īā i te parau noa, te vai atoa ra te ohipa. E ia parauhia ‘here i te Atua,’ te auraa e faaite tatou i to tatou here ia ‘na ma te ohipa roa ‘tu. Mai te peu mea here mau na tatou i te Atua, e rave tatou i te mau mea atoa e mauruuru ai oia ia tatou.—Mas. 27:11.

w09-F 1/10 10 par. 6

Eaha ta lehova e titau ra ia tatou?

E haamaitaihia to tatou auraro. Ua papai Mose: “la haapao maite oe i te mau parau . . . ta ‘u e parau atu ia oe i teie nei mahana ia maitai oe.” (irava 13) No to tatou iho â maitai lehova e horoa mai ai i ta ‘na mau faaueraa, te na ô ra hoi te Bibilia: “E here te Atua.” (Ioa. 1, 4:8) No to tatou īā maitai te mau faaueraa a lehova. (Ilsa. 48:17) la rave tatou i te mau mea atoa ta lehova e titau ra ia tatou, eita to tatou oraraa e ī i te haapeapearaa e, i raro a'e i te Faatereraa arii a te Atua, e haamaitai-rahi-hia tatou e a muri noa ‘tu.

Te mau poe pae varua

it-1-F 115

Te ati Anaka

E nunaa taata rarahi o tei ora na i te mau tuhā mou'a e te tahi mau vahi pae miti o Kanaana, i te pae apatoa iho â rā. I parahi na na toru tane ati Anaka ra o Ahimana, Sesai e Talamai, i Heberona. (Nu 13:22) I reira

to na 12 mata huna Hebera iteraa i te ati Anaka no te taime matamua roa, e 10 o taua nau mata huna ra tei faatia i te parau riaria mau no nia i taua feia ra. Ua parau ratou e huawai te ati Anaka no te feia rarahi ra tei ora na hou te diluvi e, i mua ia ratou, e au te mau Hebera i te “vivi.” (Nu 13:28-33; De 1:28) No to ratou rarahi, ua faaauhia te mau Emima e te mau Rephaima i te ati Anaka. No to ratou paha puai i parauhia ’i: “O vai te taata e mau i mua i te aro o te tamarii a Anaka?”—De 2: 10, 11, 20, 21; 9:1-3.